



孝  
經  
鄭  
注

陳  
鱣  
撰  
集

中  
華  
書  
局

叢書集成初編

孝經本義（及其他五種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

叢書集成初編所選涉聞梓舊收有此書故據以排印又寶顏堂祕笈收有孝經孝經集靈節略孝經引證孝經宗旨四書除孝經集靈節略以下三書已另印行外至孝經一書有經無注故不重出而附錄其卷首所載楊起元序及誦經威儀於此書之後

## 集孝經鄭注序

鄭康成注孝經。見於范書本傳。鄭志目錄無之。中經簿但稱鄭氏解而不書其名。或曰。是其孫小同所作。謹案鄭六藝論序孝經云。元又爲之注。序春秋亦云。元又爲之注。蓋鄭注春秋未成。後盡與服子慎。遂爲服氏注。詳見世說新語。乃從來列鄭注。更無及春秋者。竊以其注孝經。亦未寫定。而其孫小同追錄成之。據隋書稱鄭志亦小同所撰。此或以先人未竟之書。故不敢載入目錄。中經簿所題。蓋要其終范書所紀。則原其始也。自江左中興。久立博士。穆帝集講孝經云。以鄭元爲主。荀茂祖集解因之。至陸彥淵始疑其。不與注書相類。請不藏於祕省。王仲寶違其議。遂得見傳。夫鄭注三禮。與箋詩互有異同。安在此注之必類於羣經乎。唐開元敕議時。劉知幾以爲宜行孔廢鄭。司馬貞等非之。卒行鄭說。然自元宗取諸說以爲己注。而後之學鄭氏者日少。五季之衰。中原久佚。宋雍熙初。日本僧齋然以是書來獻。議藏祕府。尋復失傳。近吾友鮑君以文屬汪君翼。滄從估舶至彼國。購訪其書。亦不可得矣。幸陸氏釋文尙存其略。羣籍中間有引之。因仿王伯厚鄭氏周易例集成一編。凡元宗注邢疏以爲依鄭氏者。悉爲收合。庶以存一家之學。而見聞淺陋。更望汲古君子。匡其所未逮焉。乾隆四十有七年冬十二月癸亥朔。鹽官陳鱣書於武原客耕舍。

# 孝經序

鄭氏

孝經者三才之經緯。五行之綱紀。孝爲百行之首。經者至易之稱。玉海四十一春秋有呂國而無甫侯。禮記  
正義僕避難於南城山。棲遲巖石之下。念昔先人餘暇。述夫子之志。而注孝經焉。大唐新語九。太平御覽四十二。太

# 孝經鄭注

## 鄭氏注

清 鹽官陳 續撰集

開宗明義章

仲尼居。禮案釋文引鄭注居作尻與說文合經文仍作居今從之

尻。尻講堂也。釋文正義

曾子侍。

卑在尊者之側曰侍。同上

子曰。先王有至德要道。以順天下。民用和睦。上下無怨。女知之乎。

禹。三王最先者。至德。孝弟也。要道。禮樂也。釋文

曾子辟席曰。參不敏。何足以知之。子曰。夫孝德之本也。教之所由生也。

人之行莫大於孝。故爲德本。釋文正義

復坐。吾語女。身體髮膚。受之父母。不敢毀傷。孝之始也。

父母全而生之。己全而歸之。故不敢毀傷。正義

立身行道。揚名於後世。以顯父母。孝之終也。

父母得其顯譽也。釋文。

夫孝始於事親。中於事君。終於立身。

父母生之。是事親爲始。卅疆而仕。是事君爲中。七十行步不逮。縣車致仕。是立身爲終也。釋文。

大雅云。無念爾祖。聿修厥德。

雅者。正也。正義。無念。無忘也。釋文。

天子章

子曰。愛親者。不敢惡於人。敬親者。不敢慢於人。愛敬盡於事親。而德教加於百姓。刑於按寶顏本作于四海。

刑。見也。同上。

蓋天子之孝也。

蓋者。謙辭。正義。

甫刑云。一人有慶。兆民賴之。

引譬連類。釋文。與孫皓書注。以書錄王事。故證天子之章以爲引類得象。正義。億萬曰兆。天子曰兆民。諸侯曰

萬民。五經算術。

諸侯章

在上不驕。高而不危。



危殆也。釋文

制節謹度。滿而不溢。

費用儉約。謂之制節。慎行禮法。謂之謹度。無禮為驕。奢泰為溢。釋文

高而不危。所以長守貴也。滿而不溢。所以長守富也。富貴不離其身。然後能保其社稷。而和其民人。

薄賦斂。省徭役。列士封疆。釋文

蓋諸侯之孝也。詩云。戰戰兢兢。如臨深淵。如履薄冰。

戰戰。恐懼。兢兢。戒慎。臨深淵。恐墮。履薄冰。恐陷。義取為君。恆須戒慎。釋文

卿大夫章

非先王之法。服不敢服。

法服。謂日月星辰。山龍華蟲藻火粉米黼黻絺繡。北堂書鈔先王制五服。天子服日月星辰。諸侯服山

龍華蟲。卿大夫服藻火。士服粉米。北堂書鈔百二十八。周禮小宗皆謂文繡也。田獵卜筮冠皮弁衣

累積。百王同之。不改易。釋文。牢饋食禮疏。儀禮少

非先王之法。言不敢道。非先王之德行。不敢行。是故非法不言。非道不行。口無擇言。身無擇行。

禮以檢奢。釋文。不全引。

言滿天下無口過。行滿天下無怨惡。三者備矣。然後能守其宗廟。

爲作宮室。上同。

蓋卿大夫之孝也。

張官設府。謂之卿大夫。禮記曲禮正義。

詩云。夙夜匪懈。以事一人。

夜莫也。懈惰也。釋文。

士章

資於事父以事母而愛同。資於事父以事君而敬同。

資者。人之行也。釋文。公羊傳定四年疏。

故母取其愛。而君取其敬。兼之者父也。故以孝事君則忠。

移事父孝以事於君則忠矣。正義。

以敬事長則順。

移事兄敬以事於長。則爲順矣。上同。

忠順不失。以事其上。然後能保其祿位。而守其祭祀。

食稟爲祿。始爲曰祭。別是非。釋文。不全引。

蓋士之孝也。詩云。夙興夜寐。無忝爾所生。

庶人章

用天之道。

春生夏長，秋收冬藏。釋文正義

分地之利。

分別五土，視其高下，高田宜黍稷，下田宜稻麥，邱陵阪險宜種棗棘。釋文初學記五正義

謹身節用，以養父母，此庶人之孝也。

行不爲非，度財爲費，什一而出，無所復謙。釋文

故自天子至於庶人，孝無終始，而患不及者，未之有也。

患禍也。正義故患難不及其身也，善末之有也。釋文正義

三才章

曾子曰：甚哉，孝之大也。

語喟然。釋文不全引

子曰：夫孝，天之經也，地之義也，民之行也。天地之經，而民是則之。

孝弟恭敬，民皆樂之。同上

則天之明，因地之利，以順天下，是以其教不肅而成，其政不嚴而治。

政不煩苛也。同上。

先王見教之可以化民也。

見因天地教化。民之易也。釋文正義。

是故先之以博愛。而民莫遺其親。陳之以德義。而民興行。

上好義。釋文不全引。

先之以敬讓。而民不爭。

上好禮。若文王敬讓於朝。虞芮推畔於田。則下效之。同上。

導之以禮樂。而民和睦。示之以好惡。而民知禁。詩云。赫赫師尹。民具爾瞻。

師尹。若冢宰之屬也。女當視民。釋文南山正義詩節。

孝治章

子曰。昔者明王之以孝治天下也。

昔。古也。公羊傳序疏。

不敢遺小國之臣。而況於公侯伯子男乎。

聘問天子無恙。古者諸侯五年一朝。天子使世子郊迎。周禮大行人疏引此四字。芻禾百車。以客禮待之。晝坐正殿。

夜設庭爨思與相見。問其勞苦也。太平御覽百四十七當爲王者侯者候伺伯者長男者任也。釋文不全引。

故得萬國之歡心，以事其先王。

諸侯五年一朝天子，天子亦五年一巡守勞來。釋文禮記王制正義

治國者不敢侮於鰥寡，而況於士民乎。

丈夫六十無妻曰鰥，婦人五十無夫曰寡。詩桃天正義文選關中詩注廣韻二十八山

故得百姓之歡心，以事其君。按寶顏本君上有先字治家者不敢失於臣妾，而況於妻子乎。

治家，謂卿大夫。正義臣，男子賤稱，妾，女子賤稱。文釋

故得人之歡心，以事其親。

小大盡節養。同上不全引

夫然，故生則親安之，祭則鬼享之。

則致其樂。同上

是以天下和平，災害不生，禍亂不作，故明王之以孝治天下也如此。詩云：有覺德行，四國順之。

覺，大也。正義

聖治章

曾子曰：敢問聖人之德，無以加於孝乎？子曰：天地之性，人爲貴。

貴，其異於萬物也。同上

人之行莫大於孝。孝莫大於嚴父。嚴父莫大於配天。則周公其人也。昔者周公郊祀后稷以配天。

祀感生之帝。同上以帝嚳配祭圓丘。同上

宗祀文王於明堂以配上帝。

明堂居國之南。南是明陽之地。故曰明堂。明堂上圓下方。八牖四闔。同上上帝者天之別名也。南齊書禮志。困學

七神無二主。故異其處。辟后稷也。釋文。史記封禪書集注。

是以四海之內各以其職來助祭。按寶顏本無助字。

於朝越裳重譯。文釋

夫聖人之德。又何以加於孝乎。故親生之膝下。以養父母。日嚴聖人因嚴以教敬。

致其樂。同上

因親以教愛。

親近於母。同上

聖人之教。不肅而成。其政不嚴而治。

不令而行。同上

其所因者。本也。

本謂孝也。正義

父子之道天性也。君臣之義也。父母生之。續莫大焉。君親臨之。厚莫重焉。

復何加焉。釋文不全引。

故不愛其親而愛他人者。謂之悖德。不敬其親而敬他人者。謂之悖禮。

悖若桀紂是也。釋文正義。

以順則逆。民無則焉。不在於善。而皆在於凶德。雖得之。君子不貴也。君子則不然。言思可道。

言中詩書。釋文。

行思可樂。德義可尊。作事可法。容止可觀。進退可度。

難進而盡忠。易退而補過。同上。

以臨其民。是以其民畏而愛之。則而傲之。

傲。漸也。同上。

故能成其德教。而行其政令。

不令而伐。謂之暴。同上。

詩云。淑人君子。其儀不忒。

淑。善也。忒。差也。文選永明十一年。儀秀才文注。正義。

紀孝行章

子曰。孝子之事親也。居則致其敬。

盡其敬禮也。釋文。

養則致其樂。病則致其憂。

色不滿容。行不正履。正義。

喪則致其哀。

擗踊哭泣。盡其哀情。釋文。北堂書鈔九十三正義。

祭則致其嚴。

齊戒沐浴。明發不寐。北堂書鈔八十八正義。齊必變食敬忌。踧。

五者備矣。然後能事親。事親者。居上不驕。爲下不亂。在醜不爭。

不忿爭也。同上。

居上而驕。則亡。爲下而亂。則刑。在醜而爭。則兵。

好亂則刑。罰及其身也。同上。

三者不除。雖日用三牲之養。猶爲不孝也。

不敢惡於人親。同上。

五刑章



子曰五刑之屬三千而罪莫大於不孝。

科條三千謂劓墨宮割

禮案此下有劓字

大辟穿窬盜竊者劓劫賊傷人者墨男女不與禮交者宮割口人垣

牆開人闖闖者口手殺人者大辟

同上

要君者無上非聖人者無法

非悔聖人者

同上

非孝者無親此大亂之道也

非人行者

同上

廣要道章

子曰教民親愛莫善於孝教民禮順莫善於弟

人行之次也

同上

移風易俗莫善於樂

樂感人情者也惡鄭聲之亂樂也

同上

安上治民莫善於禮

上好禮則民易使也

同上

禮者敬而已矣